

Kriteria og innretting for Prosjekttilskot: Kunst og kultur – profesjonell

Fylkesrådmannen sitt framlegg til revidering, for handsaming i KIRU 19.01.2018

Ordninga skal ha søknadsfrist og handsamast 1 gong i året.

1. FØREMÅL

Hordaland skal ha eit sterkt, profesjonelt kulturliv som fremjar skapande og frie kunstuttrykk. Ordninga skal sikre innbyggjarar i heile fylket tilgang til eit mangfaldig kulturtilbod av høg kvalitet. Barn og ungdom har spesiell merksemd, og ein ønskjer å stimulere spesielt til at unge sjølv er aktive deltakarar i prosjektet.

Tilskotsordninga skal styrkje gjennomføringa av eit regionalt kunstløft slik det er skissert i **Premiss: kultur, regional kulturplan for Hordaland 2015 - 2025**, og skal svare på aktuelle utfordringar og behov innanfor eit ambisiøst og profesjonelt kunst- og kulturliv i Hordaland. Ordninga skal omfatte kunstprosjekt, kulturminneprosjekt og tiltak i regi av profesjonelle aktørar.

Støtnadsordninga skal elles ta omsyn til følgjande vedtekne kulturpolitiske mål og søkje å oppfylle desse:

- Kulturpolitikken skal fremje demokrati og ytringsfridom.
- Hordaland skal ha eit rikt, aktivt og mangfaldig kulturliv, med tilgang for alle.
- Kulturpolitikken skal identifisere og styrke miljø og aktivitetar der Hordaland er eller kan vere leiande.

2. KVEN KAN SØKJE

- a. Ordninga gjeld for aktørar innan det profesjonelle kunst- og kulturfeltet i Hordaland, og tiltaket skal ha eit kunstnarleg/kulturfagleg hovudføremål.
- b. Organisasjonar, foreiningar og lag må ha organisasjonsnummer for å søkje. Privatpersonar kan søkje tilskot eventuelt på vegner av ei gruppe. Då vert det stilt krav om at fødselsnummer vert oppgjeve, og evt tilskot er oppgåvepliktig til skattemyndene.
- c. Organisasjonar/institusjonar som tek i mot driftsstøtte frå HFK kan søkje tilskot frå desse ordningane om det gjeld særskilte tiltak, slik som t.d. samarbeidsprosjekt og utprøving av nye tiltak.

3. REGIONAL VERDI

Omgrepet *regional* viser her til to prinsipielle hovudkriterium:

- Geografisk kriterium (geografisk nedslagsfelt og verkeområde): Om tiltaket omfattar fleire kommunar og/eller om tiltaket vert gjennomført eller har deltaking frå meir enn to kommunar.
- Funksjonskriterium (regional funksjon i kraft av oppdrag, storleik, fagleg tyngd, kvalitet og særpreg)

Alle tilrådde tiltak og prosjekt skal ha regional verdi – geografisk og / eller funksjon. Storleik og omfang treng ikkje vere avgjerande. Fagleg kvalitet og særleg grad av nyskaping m.m. kan også ligge til grunn for at eit tiltak har regional verdi.

I tråd med kulturlova er det kommunane som skal leggje til rette for og sikre eit breitt lokalt kulturtilbod der folk bur og arbeider. Fylkeskommunen si rolle er å vere ein regional utviklar, og ha oversyn og sikre tilgjenge til meir spesialiserte eller regionale kulturtilbod.

4. VURDERINGSKRITERIA

Støtte gjennom desse ordningane / kulturstøtte er ikkje rettighetsbasert, og det er vanlegvis mange fleire kvalifiserte søkerar enn der er tilgjengelege midlar. Ut frå føremålet med ordninga og føringane i regional kulturplan er det sett opp følgjande kriteria som søknadane skal målast opp mot. Ein søknad må ikkje oppfylle alle desse kriteria, men jo sterkare og jo fleire ein oppfyller av kriteria, dess meir relevant vil søknaden vere for ordninga. Dei to fyrste punkta må oppfyllest for at tiltaka skal vere i samsvar med føremålet for ordninga.

Føljande kriteria skal ligge til grunn for vurderinga av søknadane:

- a. I kva grad tiltaket oppfyller føremålet i søknadsordninga
- b. I kva grad tiltaket oppfyller satsingar i Regional kulturplan
- c. I kva grad tiltaket bidreg til ei utvikling av kulturlivet i fylket

- d. I kva grad tiltaket har verdi for større delar av fylket
- e. I kva grad tiltaket er nyskapande og kan ha verdi som pilotprosjekt
- f. I kva grad tiltaket er utadretta og ope

- g. Om tiltaket kan kopla saman aktørar og stimulere til samarbeid på tvers
- h. Kvalitativt nivå på prosjekt og søknad.
- i. I kva grad søkjar har vist gjennomføringsevne
- j. I kva grad tiltaket har støtte og forankring i heimkommunen og evt nasjonalt(td. Norsk kulturråd)

Ved søknader om støtte til festivalar skal det i tillegg leggast følgjande kriteria til grunn for vurderinga:

- k. festivalen sin eigenart, kunstnarlege profil og fokus på utvikling av det kunstnarlege uttrykket
- l. formidlingsevne og publikumsoppslutning

I tillegg skal ein sjå på den samla fordelinga av omsyn til geografi og sjanger.

Om det gjeld støtte til produksjon må det ligge føre plan for utbreiing og formidling. Om det gjeld søknad om støtte til kunstproduksjon kan det verte oppnemnt rådgjevande kunstfaglege konsulentar innan relevante sjangrar.

Det er mogeleg å søkje midlar til årvisse/jamne tiltak. Søkjar må då vere merksam på at dette er prosjekttilskot og at søknadene kvart år vert vurdert på nytt opp imot samla søkjarmasse. Det er stor søknadsmengde i forhold til midlar ein har tilgjengeleg, og såleis kan ein vektlegge faktorane annleis i dei ulike søknadsrundane.

6. KVA DET IKKJE BLIR GITT STØTTE TIL

Det er skilt ut nokre konkrete føremål/tiltak det ikkje vert gitt støtte til i desse tre søknadsordningane. Grunnen til dette er fylkeskommunen si kulturpolitiske rolle, andre tilskotsordningar og kompetanse- og ansvarsfelt både hos

Det blir ikkje gitt støtte til følgjande:

- a. Innkjøp og vedlikehald av bygg, utstyr og instrument.
- b. Ordinær drift av institusjonar, organisasjonar, lag, grupper og tilsvarande.
- c. Tiltak/prosjekt i regi av fylkeskommunale institusjonar - t.d. vidaregåande skular.
- d. Utgjeving / publisering av skjønnlitteratur, film og musikk. Unntak kan vere når målet er dokumentasjon med kulturhistorisk verdi.
- e. Deltaking på seminar, utdanning, studiereiser, gjestekunstnaropphald ol.

7. OM ØKONOMI

- a. I ordninga skal løyvingane i hovudsak ligge mellom 10 000 og 50 000 kroner.
- b. Dersom det ikkje er rom for å løyve minst 1/3 av søknadssum vert søknaden avslått. Søkjar kan evt. legge fram alternativ finansieringsplan/skalert budsjett.
- c. Hordaland fylkeskommune fullfinansierer normalt ikkje prosjekt. Det er forventa at søkjar budsjetterer med andre kjelder for finansiering.

Utbetaling av tilskot skjer i hovudsak gjennom elektronisk faktura i EHF-format. Når ein sender inn denne godtek ein føresetnadane i tilsegnsbrevet.

8. ANG. OPPFØLGING, RAPPORTERING OG KONTROLL(FØRESETNADER SOM VERT GITT I TILSKOTBREV VED TILDELINGAR)

- a. Tiltaket skal gjennomførast på den måten og i det tidsrom som går fram av søknaden. Eventuelle vesentlege endringar i prosjektet må meldast skriftleg til sakshandsamar for vurdering og godkjenning.
- b. Tilsegnsmottakar skal rapportere og sende inn rekneskap innan 3 månader etter at tiltaket er gjennomført.
- c. Fylkeskommunen og fylket sin revisor skal ha høve til å setja i verk kontroll med at midlar vert forvalta som føresett. Fylkeskommunen og fylket sin revisor skal ha rett til dei dokument og opplysningar ein finn påkravd for sin kontroll.

- d. Gjennom aktivitetar, informasjonsmateriale mv skal det gjerast tydeleg at Hordaland fylkeskommune er tilskotsgjevar. Dokumentasjon av dette skal leggjast ved rapport.
- e. Om ein har opne, publikumsretta arrangement er det ein føresetnad at tilskottsmottakar aksepterer og nyttar ordninga med følgjekort for funksjonshemma. Funksjonshemma som kjøper billett skal då ha rett til gratis billett til sitt følge.
- f. Dei som får tilskot til publikasjonar må levere minimum 1 eks av denne til Hordaland fylkeskommune når denne er ferdigstilt.
- g. For fagleg oppfølging og vurdering må dei som søker om tilskot til arrangement på førespurnad kunne gje akkreditering til inntil 2 representantar frå Kultur- og idrettsavdelinga.
- h. Dersom prosjektet vert avlyst, utsett eller vesentleg endra, eller at det vert påvist tydelege feil eller manglar, kan heile eller deler av tilskotet krevjast betalt attende.